

A Mesa da Deputación Permanente do Parlamento de Galicia, na súa reunión do día 14 de xullo de 2020, adoptou, entre outros, o seguinte acordo:

PUNTO 2.º COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO

1.2. Estatuto das deputadas e dos deputados

Utilización polas deputadas e polos deputados cesantes da Deputación Permanente e que non formen parte da nova Cámara resultante das eleccións autonómicas do 12 de xullo de 2020 dos despachos parlamentarios e dos medios informáticos, telefónicos e de transporte postos a súa disposición

Tendo en conta o precedente da IX lexislatura.

A Mesa da Deputación Permanente adopta o seguinte ACORDO:

1.º) As deputadas e os deputados cesantes da Deputación Permanente e que non formen parte da nova Cámara resultante das eleccións ao Parlamento de Galicia do 12 de xullo de 2020:

(a) Poderán ocupar os seus despachos ata o día anterior á sesión constitutiva da nova Cámara, data na que procederán á retirada dos seus efectos persoais e da documentación, e á entrega da chave ao seu grupo parlamentario, onde pasará persoal da Administración parlamentaria a recollela.

(b) Deberán entregar os ordenadores portátiles, teléfonos móbiles, cargadores e impresoras. A entrega farase antes da sesión constitutiva da Cámara no Servizo de Tecnoloxías da Información e deberá comunicarse á Intervención e Asuntos Económicos. Sen embargo, no mesmo prazo poderán optar por adquirir os dispositivos portátiles, telefónicos e informáticos, previa taxación pericial do seu valor, conforme ao establecido no artigo 31.4 do Regulamento de organización e funcionamento da Administración do Parlamento de Galicia (DOG núm. 87, do 7 de maio de 2018), na redacción dada polo acordo da Mesa da Cámara do 11 de febreiro de 2019 (DOG núm. 36, do 20 de febreiro de 2019).

(c) Poderán manter o número persoal do teléfono móbil do Parlamento, se así o solicitan no Servizo de Tecnoloxías da Información antes do 7 de agosto de 2020, data da sesión constitutiva da Cámara. De non mediar esa comunicación, con data 7 de agosto de 2020, o Servizo de Tecnoloxías da Información procedería á baixa da antedita liña.

Servizo de Persoal e Réxime Interior, á Intervención
Intervención e Asuntos Económicos
Servizo de Tecnoloxías da Información.



(d) Disporán do sistema de telepeaxe VIAT ata o 7 de agosto de 2020, data límite para a súa entrega á Intervención e Asuntos Económicos. Nesa mesma data, a Intervención dará de baixa ás deputadas e deputados cesantes no convenio existente con RENFE. As unidades competentes da Administración parlamentaria comprobarán o cumprimento do establecido nos puntos anteriores.

2.º) A información aloxada nos sistemas informáticos do Parlamento de Galicia (conta de correo electrónico, conta de *Active Directory* e arquivos persoais) será conservada só durante os cinco días que seguen á data de baixa efectiva da súa condición como deputado/a. Pasado este prazo, a información será eliminada de xeito permanente e irrecuperable. As deputadas e os deputados cesantes da Deputación Permanente e que non formen parte da nova Cámara con antelación a esta data límite, poderán solicitar copia dos seus datos, así como da súa caixa de correo, no Servizo de Tecnoloxías da Información.

3.º) Comunicarlles este acordo aos grupos parlamentarios, aos que foron deputadas e deputados da Deputación Permanente da X lexislatura, ao Servizo de Persoal e Réxime Interior, á Intervención e Asuntos Económicos e ao Servizo de Tecnoloxías da Información.

Santiago de Compostela, 14 de xullo de 2020

Xosé Antón Sarmiento ;Méndez
Letrado Oficial Maior

Xosé Antón Sarmiento
Mendez, Letrado Oficial Maior

Firmado digitalmente por Xosé Antón Sarmiento Mendez, Letrado Oficial Maior
Nombre de reconocimiento (DN): cn=Xosé Antón Sarmiento Mendez, Letrado Oficial
Maior, email=xsarmiento@parlamentodegalicia.gal
Fecha: 2020.07.15 09:22:08 +02'00'

Servizo de Persoal e Réxime Interior, á Intervención
Intervención e Asuntos Económicos
Servizo de Tecnoloxías da Información.



Asinado dixitalmente por:



PARLAMENTO DE GALICIA
REXISTRO XERAL SAÍDA
Data asento: 15/07/2020 09:23:34
Nº Rexistro: 5
Data envío: 15/07/2020 09:23:34.121

Xosé Antón Sarmiento Mendez, Letrado Oficial Maior na data 15/07/2020 9:22:08

CSV: REXISTROW3hh8aG3L2
Verificación:
<https://sede.parlamentodegalicia.gal/tramites/csv/>

